

# OBADIA

Obadia ere papia i bembegne jâmbân, ombâgne 21 sawa. Porofete e Judanjic nokac gâcne sâko jaje Babe mârenko ra juhapie Jerusalem haeo gehuc juwec. Dânticne gâcne i Jeremiare papiao dân bâuungopenen (gar 49) igucnea fokac. Irec fugne zinguc mecne fokac: Porofete e papia ranqane moc fowec i honehuc e jahac undân zuhuckerâ qârenkewec. Erâ e dân i jara damen 587 B.C. ira mecne qârenkewec. I Judanjic jajere hae mârenj tâtieme Edomjic jaje honerâ "sowine" muhuc bubian manambinte uŋ sawan ejarewec hâcne. Erâ i sawa mâcne, Edomjic jajere bâbâtin damen maickeocmu, undân iguc murâ ine Zion tikio Jakobore kikefunzi mocwâc fuaocmu, irec findandân i mâmâc mu qâren ewec.

## Edomjic bawahac-jopazo irec dân

<sup>1</sup> Obadia e manjzâne-ticne rarungkeme wiac hone manac ewec.

Wofun Anutuzi Edomjic jajere dân keczinguc mukac:

Wofun e kiganjic-ticne njicne njicne jajerao soreme  
rarâ Wofunte dân zinguc jazame manamben:

"Ajoc, faharepie Edomjic jajehec qaqac enante fenzeppen!"

<sup>2</sup> Wofunzi Edom guru âzâcnekac:

Manakic, no njicne njicne jajere nondenjo  
bawahacgupe qaisocgu-fârenzepien.

<sup>3</sup> Manfefegezi eatucguwec,

qânâ hawecko me tiki botânjo nec juc eekic  
go mangezi zinguc manasuekic:

"Mozi sâcne mârenjo tunume hupemu?"

<sup>4</sup> Go tucwipe igucne faic jâmbân ferâ jutec muzac,  
me ficgezi bâpin jajere nondenjo neme muzac  
no sifu irecnec tungupe wahanzan,  
Wofun nore dân iguc.

<sup>5</sup> Fiuc roro jaje nafeo ficgao fisirâ

wiac anac-jopaekac sâc roengopien,  
me wain gie bapa jaje wain giegao ferâ  
hândâgne ro nusec ehuc gâcne bâtiripie foekac;  
jei, zi ine furu jaha imacgukicne.

<sup>6</sup> O Esau, jaje borej zengange songkekicne  
i karan bahuc rofârembin.

<sup>7</sup> Gohec zâzâfic embinzi eatucguhuc mârenngaonec jâpecgumbin,  
gohec wama faio jumbin jaje sananjerâ qâhucgumbin,  
â âgofâcge gohec nânâ wirec nâmbinzi

bitiŋ r  -garehuc   iŋuc mumbiŋ:  
Mamana tara focnewec i weni?

<sup>8</sup> Wofunzi   iŋuc mukac:

J  mbomac, no damenŋ ira Edom m  ren  te   ic imac-jopapemu,  
   maŋq      hec juju i  
Esau tiki m  ren  ko mupe omaeocmu.

<sup>9</sup> Temanŋ haeonec   ic qac momorihec

jan   bipic tatara ejareocmu,  
   Esau tiki m  ren  ko   ika qaqa   ic  
q    moc-jopa-f  repemu.

<sup>10</sup> Go Jakobore q  ricf  c, qom  f  cge h  cne,  
jan  rao sindanŋ wiac fun  ne fun  ne b  fuamen  te  
ima bacgupie     ne bi  ege omae-j  mb  n  kezejec.

<sup>11</sup> R  si jan   fisir   mafa wiac-jen  ic jowac ror   barambiŋ,  
   haemaŋko fer   Jerusalem haere qan  gec qambiŋ,  
go damenŋ ira m  c hone q  oma ejaremenŋ,  
ehuc r  si jan  re   go emenŋ.

<sup>12</sup> Go qom  f  cge jan  re     ic bus  qoc damen  ko  
an  ac zeri mi enzanŋ,  
   Juda kikefunŋ sisipiric damenŋ-jen  icko  
bubianŋ mi mananzanŋ,  
er       r         faio juhapie mi g  w  ie-jarenzanŋ.

<sup>13</sup> Go   icf  c-nane jan  re     ic bus  qoc damen  ko  
hae-jen  icko fer   an  ac zeri ehuc  
moneŋ mafa wiac-jen  ic mi jowac rotec muzac s  c  kezac.

<sup>14</sup> Go hata sosohocko domahuc wisezo embiŋ  
jan   aka mi hejaretec muzac s  c  kezac,  
     ikare n  focne jan       r   h  riŋ damenŋ-jen  icko  
r  sire meo mi r  ec-jopatec muzac s  c  kezac jaha.

<sup>15</sup> Wofun  te damen  zi   icne   icne maic-jopakac.  
Irec go   ic wiac ejaremenŋ s  c i  aha go egarezo.  
Go wiac emenŋ izi h  cne   erisier    
gahacne faio feocmu.

<sup>16</sup>   icf  c-nane   on   tiri tiki-naneo weanŋ sicne n  mbiŋ,  
iŋuc jaha   icne   icne jan       r   n   ehuc  
man  jen  ic bibiriwame omae-f  aren  pieŋ.

### **Wofunzi Israe   ic bafaharec-jopaocmu**

<sup>17</sup>   ic tucne jan   sisipiricz   riric-jopaha  
Zionŋ tikio jun  pieŋ,  
ehame tikizi tirine er     ezejec.

Eme Jakobore kikefunŋ jan   m  ren  -jen  ic mocw  c rauckenzepieŋ.

<sup>18</sup> Jakobo    Josefere kikefunŋ jan     oc iŋucne er  ,  
  oczi jawa           c  
irec s  c Esaure kikefunŋ         -f    pire  
Esaure   ic n  focne moc mi jun  pieŋ.  
Wofun   e iŋuc h  cne muwec.

- <sup>19</sup> Negebe mârenko jungopien  
jane Esaure tiki mâren rauckenzepien,  
â mâren urugnao jungopienzi  
Filisa mâren ro rauc enzepien.  
Eme Eferaim â Samaria hae mâren i wâc  
inuc jaha janere bine eha Benjaminte qâricfâc  
jane Gileade mâren ro sakac enzepien.
- <sup>20</sup> Israe njic janere momori guru kâpâcwârunece waharâ  
Foinike mâren ro rauc erakupie  
Zarefati haeo tarazejec,  
â Jerusalem haeonec kâpâcwârû bacjopa rakicnezi  
Sefarada mârenko jungopien jane ine  
Negebe mârenko hae gerakac i raucke-fârenzepien.
- <sup>21</sup> Israe njic gezic-jopakicne jane Zion tikio ferâ  
Esau tiki mârente gurin bapa gie bahuc junzepien.  
Ŋicwofunte gie izi ine Wofunte bine ezejec.